



光緒丁亥孟

秋



歸葉山房
書造書籍

繪像列傳

歸葉山房校刊

繪像書極少善本惟仇寔父列女傳
寫刻俱工為藏度家所重此列仙傳
所寫人物得寔父遺意而鑄法精妙
能傳出羣仙款傲之致與列女傳相類
顧三復之令人有天際真人想望者豈
不以余言為河漢也書名金角題



仙引

天懷堂

吉

子

夫人生墮落世網彼蠅爭蟻逐輩無論已卽古
稱長心逸節亦往往鍛羽羈足若轅駒檻鳥然
夫誰能蟬蛻鳳舉而逍遙物外也者緬惟羽客
仙翁吸雲英飡石髓駕紫鳳以翩躚馭青牛而
遊遨一條藜杖泛雲水之三千半片衲衣訪洞
天之十二蒙莊氏所稱逍搖遊者意在斯乎予
刻仙傳序

一掃葉山房

性寡諧謝絕一切世氛獨紫芝白石有夙癖焉
洪生自誠氏新都弟子也一日携仙紀一編徵
言於予予披閱之青霞紫氣映發左右宛若遊
海上而揖羣真令人飄然欲仙真欲界丹邱塵
世蓬島也雖仙有靈根道有夙契得皮忘髓終
非昇舉向上事願塵勞絜刼中定喘拭眊難名
香啜茗茗時一露盥坑之不猶吞火而飲之以

冰哉他日倘逸樊籠而步碧虛請孰是以作玉
杵或不謂無曰云

了凡道人喜黃題

列仙傳

序

二掃葉山房

掃葉山房新鐫繡像列仙傳目

還初道人輯

一卷

老君

東王公

西王母

赤松子

廣成子

青鳥公

彭祖

鐵拐先生

列仙傳目

一掃葉山房

黃野人

尹喜

李八百

丁令威

鬼谷子

劉越

韓湘子

白石生

安期生

東方朔

鍾離權

馬成子

劉晨阮肇

二卷

張道陵

蕭史

梅福

黃初平

費長房

藍采和

孫登

麻姑

呂純陽

張果

何仙姑

左慈

列仙傳

目錄

二掃葉山房

曹國舅

許真君

三卷

司馬真人

王質

陶弘景

裴航

孫思邈

譚峭

許宣平

玄貞子

軒轅集

陳希夷

雷隱翁

馬自然

張紫陽

李鼻涕

歸元子

白玉蟾

陳泥丸

莫月鼎

馬鈺陽

魏伯陽

四卷

長生詮

列仙傳

三掃葉山房

新刻列仙傳目終



老君

列仙傳卷一

一 掃葉出房

老君

老子者太上老君也累世化身而未有誕生之
迹迨商陽甲時分神化氣始寄胎玄妙玉女八
十一年暨武丁庚辰二月十五日卯時降誕淒
楚之苦縣瀨鄉曲仁里從母左腋而生於李樹
下指樹曰此吾姓也生時白首面黃長耳矩目
鼻純骨雙柱耳有三漏門美鬚廣頰疎齒方口

足蹈三五手把十文姓李名耳字伯陽號曰老子又號曰老聃周文王爲西伯召爲守藏吏武王時遷爲柱下吏乃遊四極大秦竺乾等國號古先生化導其國康王時還歸于周復爲柱下吏昭王二十三年駕青牛車過函谷關度關令尹喜知之求得其道二十五年降於蜀青羊肆會尹喜同度流沙胡域至穆王時復還中夏敬

列仙傳

卷一

二掃葉山房

王十七年孔子問道於老聃退而有猶龍之嘆赧王九年復出散關飛昇崑崙秦時降浹河之濱號河上公授道安期生漢文帝時號廣成子文帝遣使詔問之公曰道尊德貴非可遙問帝卽命駕詣之帝曰域中有四大王居一也子雖有道猶朕民也不能屈何乃高乎朕足使貧賤富貴公乃拊掌坐躍冉冉在虛空中如雲之昇

去地百餘丈而止於玄虛良久俛答曰今上不至天中不類人下不居地何民之有陛下焉能令富貴貧賤乎帝悟方下輦禮謝授帝道德二經蓋無世不出先塵劫而行化後無極而常存隱顯莫測變化無窮普度天人莫可具述云

列仙傳

卷一

三掃葉山房

東王公



列仙傳卷一

東王公

四掃葉山房

東王公諱倪字君明天下未有民物時鍾化而
王於碧海之上蒼靈之墟道性凝寂湛體無爲
誕廸立功育化萬物主陽和之氣理於東方亦
號東王公凡上天下地男子登仙得道者悉所
主焉嘗以丁卯日登臺觀望轉劫昇天之仙凡
登九品然始昇之時先拜太公後謁金母受事

東華方得昇九天入三清禮太上而觀元始漢
初有羣兒戲謠於道曰着青裙上天門揖金母
拜木公時人莫之知唯子房往拜焉乃語人曰
此東王公玉童

列仙傳

卷一

西王母



列仙傳卷一

西王母

六

西王母卽龜臺金母也得西華至妙之氣化生
於伊川姓緱諱回字婉妗配位西方與東王公
共理二氣調成天地陶鈞萬品凡上天下地女
子之登仙者咸所隸焉居崑崙之圃閬風之苑
玉樓玄臺九層左帶瑤池右環翠水女五華林
媚蘭青娥瑤姬玉卮周穆王八駿西巡乃執白

圭玄璧謁見王母復觴母于瑤池之上母爲王
謠曰白雲在天山林自出道里悠遠山川間之
將子無死尙能復來後漢元封元年降武帝殿
進蟠桃七枚於帝帝欲畱核母曰此桃非世間
所有有三千年一實耳偶東方朔於牖間窺之母
指曰此兒已三偷吾桃矣是日命侍女董雙成
吹雲和之笛王子登彈八琅之璈許飛瓊鼓靈
虛之簫安法興歌立靈之曲爲武帝壽焉



赤松子

列仙傳

卷一

八

赤松子

赤松子神農時雨師煉神服氣能入水不濡入
火不焚至崑崙山常止西王母石室中隨風雨
上下炎帝少女追之亦得仙俱去高辛時爲雨
師間遊人間

廣成子

列仙傳

卷一

九

廣成子

廣成子軒轅時人隱居崆峒山石室中黃帝造
焉問以至道之要答曰至道之精窈窕冥冥至
道之極昏昏默默無視無聽抱神以靜形將自
正必靜必清毋勞爾形毋搖爾精毋俾爾思慮
營營乃可長生慎內閉外多智多敗我守其一
而處其和故千二百年未嘗衰老



青鳥公



列仙傳

卷一

青鳥公

十

青鳥公彭祖弟子也受明師指示審真仙妙理
乃入華陰山中學道積四百七十一歲後服金
液而昇天

彭祖



列仙傳 卷一

士

彭祖

彭祖錢鏗帝顓頊玄孫至殷末世年已七百餘
歲而不衰好恬靜善於補導之術并服水晶雲
母麋角常有少容穆王聞之以爲大夫稱疾不
與政事采女乘輜輶往問道於彭祖具受諸要
因以敎王王試爲之有驗彭祖知之乃去不知
所往其後七十餘年門人於流沙西見之

鐵拐先生



列仙傳卷一

鐵拐先生

主

鐵拐先生姓李質本魁梧早歲聞道修真巖穴
時李老君與宛邱先生嘗降山齋誨以道教一
日先生將赴老君之約於華山囑其徒曰吾魄
在此儻游魂七日而不返若甫可化吾魄也徒
以母疾迅歸六日化之先生至七日果歸失魄
無依乃附一餓孀之尸而起故形跛惡丑其質矣

黃野人



列仙傳卷一

黃野人

三

黃野人葛洪弟子洪樓山煉丹野人常隨之洪
既仙去留丹于羅浮山柱石之間野人得一粒
服之爲地行仙後有人遊羅浮宿石巖間中夜
見一人無衣而紺毛覆體意必仙也乃再拜問
道其人了不顧但長笑數聲聲振林木復歌曰
雲來萬嶺動雲去天一色長笑兩三聲空山秋

月白其人歸道其形容卽野人也

列仙傳

卷一

古

列仙傳 卷一

尹喜

五



尹喜字公文天水人初母氏嘗晝寢夢天下絳
霄流繞其身及喜生時陸地自生蓮花及長眼
有日精姿形長雅垂臂下膝堂堂有天人貌
少好學墳索隱德行仁不修俗禮損身濟物不
求聞達周康王時爲大夫仰觀乾象見東方有
紫氣西邁知有聖人當度關而西乃求爲函谷

關令預敕關吏孫景曰若有形容殊俗車服異常者勿聽過時昭王二十三年七月老君果乘白輿駕青牛欲度關關吏入白喜喜曰今我得見聖人矣卽具朝服出迎跪伏邀之曰願暫留神駕老君謝曰吾貧賤老叟居在關東田在關西今暫往取薪何故見留喜復稽首曰久知大聖當來西遊暴露有日願小憩神駕老君曰門

列仙傳

卷一

六

開道竺乾有古先生是以身就道經歷子關何過留耶喜曰觀大聖神姿超絕乃天上至尊邊夷何足往觀老君曰子何所見而知喜曰去冬十月天理星西行過昴自今月朔融風三至東方真氣狀如龍蛇而西變此大聖人之徵老君乃怡然咲曰善哉子之知吾吾亦已知子矣喜再拜曰敢問大聖姓子老君曰吾姓字渺渺從

劫至劫非可盡說吾今姓李字伯陽號曰老聃
喜於是就官舍設座供養行弟子禮老君乃爲
喜畱關下百餘日盡傳以內外修煉之法時老
君之御者徐甲少賃於老君約曰顧百錢至關
時當七百三十萬錢甲見老君去官遠適亟來
之錢老君謂曰吾往西海諸國還當以黃金付
直償爾甲如約及至關飯青牛於野老君欲試
之乃以吉祥草化爲一美女行至牧牛之所能
以言戲甲甲惑之欲畱遂負前約乃詣關令訟
老君索傭錢老君謂甲曰汝隨我二百餘年汝
久應死吾以太玄生符與汝所以得至今日汝
何不念此而乃訟吾言訖符自口中飛出甲自
成一白骨喜乃爲甲叩頭請赦其罪以賜更生
老君復以太玄生符投之甲卽立生喜乃以錢

償甲而禮遣之既而老君謂喜曰古先生者卽
吾之身嘗化乎西極今將返神還乎無名吾今
逝矣喜叩首請隨去老君曰吾遊乎天地之表
嬉乎玄冥之間週遊八極上下無邊子欲隨吾
烏可得焉喜曰蹈火赴淵下地上天灰身沒命
願隨大仙老君曰汝雖骨相合道然受道日淺
安得行化諸國也於是復以道德五千言授之
期日千日之外可尋吾於屬青羊之肆也言訖
身坐雲華冉冉昇空光燭館舍五色玄黃良久
乃歿喜目斷雲霄涕泣扳戀名之曰西昇經喜
乃屏絕人事自著書九篇號關尹子至丁巳歲
卽往西屬尋訪青羊之肆老君以甲寅年昇天
至乙卯歲復從太微宮分身降生於蜀國大官
李氏之家已先敕青龍化生爲羊色如青金常

在所生嬰兒之側愛玩無數忽一日失羊童子
尋覓得於市肆喜至蜀徧問居人無青肆者忽
見童子牽羊因問此誰家羊牽欲何往童子答
曰我家夫人生一兒愛玩此羊生來兩日兒啼
不止今卻尋得欲還家喜卽囑曰願爲告夫人
之子云尹喜至矣童子入告兒卽賑衣而起曰
令喜前來喜旣入其家庭宇忽然高大湧出蓮
花之座兒化數丈白金之身光明如日項有圓
光坐於蓮花座上舉家驚怪兒曰吾老君也太
微是宅真一爲身主客相因何乃怪耶喜將慰
無量稽首言曰不謂復奉天顏老君曰吾向留
子者以子初受經訣未克成功是以待子於此
今子保形煉色已造真妙心結紫絡面有神光
金名表於玄圃玉北繫於紫房也卽命五老上

帝四極鑑真授喜玉冊金文號文始先生位爲
無上真人居一十四天王之上統領八萬仙士
自此方得飛騰虛空參得龍駕

列仙傳

卷一

三

李八百

列仙傳

卷一

李八百

三



李八百蜀人名真居筠陽五龍岡歷夏商周年
八百歲動行則八百里時人因號爲李八百或
隱山林或居廛市又修煉於華林山石室丹成
還蜀中周穆王時居金堂山蜀人歷代見之號
紫陽真君

丁令威



丁令威

丁令威本遼東人學道於靈虛山後化鶴歸集
華表而吟曰有鳥有鳥丁令威去家千歲令來
歸城郭如故人民非何不學仙塚壘壘

鬼谷子

列仙傳卷一

鬼谷子

鬼谷子春秋時人姓王名詡嘗入雲夢山採藥
得道顏如少童居青溪之鬼谷蘇秦張儀往問
道三年辭去子遺之書曰二足下功名赫赫但
春華至秋不得久茂今二子好朝露之榮忽長
久之功輕喬松之永延貴一旦之浮爵夫女愛
不極席男歡不畢輪痛哉鬼谷處人間數百歲



後不知所之有陰符鬼谷子二書行於世

列仙傳

卷一

三

劉越



列仙傳

卷一

五

劉越

劉越周時有匡先生名續修于南嶂山時有一少年數來相訪言論奇偉先生異之問曰觀子風猷有日矣僭問鄉邦姓字答曰姓劉名越居在山之左山下有石高二丈許叩之卽當相延先生如其語訪之叩石石忽自開雙戶洞啓一小鬟迎先生行數十步繼有二青衣絳節前導

漸見臺榭參差金碧掩映珍禽奇獸草木殊異
真人冠玉冠朱綬劍佩來迎先生意欲留居之
真人謂先生曰子陰功未滿後會可期他日相
從未晚也飲玉酒三爵延齡保命湯一啜而出
先生返顧所叩之石宛然如初他日復叩無所
應矣

列仙傳

卷一

韓湘子

韓湘子

三



韓湘子字清夫韓文公猶子也落魄不羈遇純陽先生因從游登桃樹墮死而尸解來見文公文公勉之學湘曰湘之學與公異因作詩見志曰青山雲水窟此地是吾家子夜飡瓊液寅晨咀絳霞琴彈碧玉調爐煉白珠砂寶鼎存金虎芝田養白鴉一瓢藏造化三尺斬妖邪解造逡

巡酒能開頃刻花有人能學我同其看仙葩公
覽曰子豈能奪造化耶公卽爲開樽果成佳醞
復聚土無何開碧花一朶花間擁出金字一聯
云雲橫秦嶺家何在雪擁藍關馬不前公讀之
不解其意湘曰他日自驗未幾公以極諫佛骨
事謫官潮州途中遇雪俄有一人冒雪而來乃
湘也曰公能憶花間句乎公詢其地卽藍關嗟
嘆久之曰吾爲汝足此詩卽韓集中一封朝奏
九重天云云遂與湘宿藍關傳舍公方信湘之
不誣也湘辭去出藥一瓢與公曰服一粒可以
禦瘴公愴然湘曰公不久卽西不惟無恙且當
復用公曰此後復有相見之期乎湘曰前期未
可知也

白石生



刻仙傳 卷一

三九

白石生

白石生中黃丈人弟子彭祖時已二千餘歲不
愛飛昇但以長生爲貴而已以金液爲上藥家
貧不能得養猶牧羊十數年致富萬金乃買藥
服之嘗煮白石爲糧因就白石山居遂號白石
生亦時食脯亦時辟穀日能行三四百里顏色
如三十許人或問何以不愛飛昇答曰天上未

必樂於人間也

列仙傳

卷一

三

安期生



列仙傳卷一

安期生

三

安期生瑯琊阜鄉人賣藥海邊時人皆呼千歲
公秦始皇請見與語三夜賜金帛數萬出於阜
鄉亭皆置去畱書并赤玉舄一量爲報曰後千
歲求我於蓬萊山下始皇遣使者數輩入海求
之未至蓬萊山輒遇風波而還乃立祠阜鄉亭
并海邊丁處

東方朔



列仙傳

卷一

三

東方朔

東方朔字曼倩嘗出經年兄曰汝經年一歸何以慰我對曰朔暫之紫泥海有紫水污衣乃過虞淵湔洗朝發中還何云經年漢武帝時上書曰臣朔少失父母長養兄嫂今年二十二長九尺三寸口若懸珠齒若編貝勇若孟賁捷若慶忌廉若鮑叔信若尾生若此可以爲天子臣矣

臣朔冒死再拜以聞朔文辭不遜高自稱譽上
偉之令待詔公車又遷待詔金馬門賜之食於
前食盡懷其餘肉衣盡汙數賜緡帛擔揭而去
嘗用所賜錢帛取少婦於長安中一歲卽棄去
更取所賜物盡填之女子人皆笑之朔曰如朔
所謂避世於朝廷間者時酒酣據地歌曰陸沉
於俗宮殿可以避世全身何必深山之中蒿廬
之下朔將死謂同舍郎曰天下人無能知朔知
朔者惟大伍公耳朔亡後武帝召大伍公問之
答以不知帝曰公何所能曰頗善星曆帝問諸
星具在度否曰諸星皆在獨不見歲星四十年
今復見耳帝仰天嘆曰東方朔在朕傍十八年
而不知爲歲星因慘然不樂

列仙傳卷一

鍾離權



鍾離權

鍾離權燕臺人後改名覺字寂道號王陽子又號雲房先生父爲列侯宦雲中誕生真人時異光數丈侍衛皆驚真人頂圓額廣耳厚眉長目深鼻聳口方頰大唇臉如丹乳遠臂長如三歲兒晝夜不聲第七日躍然而言曰身遊紫府名書玉京及壯仕漢爲大將征吐蕃失利獨騎奔

逃山谷迷路夜入深林遇一胡僧蓬頭拂額體掛草衣引行數里見一村莊曰此東華先生成道處將軍可以歇息矣揖別而去真人未敢驚動莊中良久聞人語云此必碧眼胡人饒舌也一老人披白鹿裘扶青藜杖抗聲前曰來者非漢大將軍鍾離權耶汝何不寄宿山僧之所真人聞而大驚知爲異人是時方脫虎狼之穴遽

列仙傳

卷一

三

有鸞鶴之思乃回心向道哀求度世之方於是老人授長生真訣及金丹火候青龍劍法真人辭去回顧莊居不見其處後再遇華陽真人傳以太乙刀圭火符內丹雲遊至魯居鄒城入崆峒於紫金四皓峰居之得玉匣秘訣遂仙去

列仙傳 卷一

馬成子

馬成子

三



馬成子秦扶風人性喜恬退不樂紛榮嘗自嘆
曰人生若流電爾奈何久戀塵寰中於是棄家
訪道人蜀之鶴鳴山石室中修煉二十餘年後
遇異人授以神丹曰氣爲內丹藥爲外丹子得
此服之當列爲上仙矣言訖而去成子遵其術
行之遂白日昇天

劉晨



列仙傳

卷一

三

劉晨

劉晨剡縣人漢永平中與阮肇入天台採藥路
迷不得返經十三日飢渴甚望山上有桃實共
取食之下山取澗水飲見一杯流出中有胡麻
飯焉二人喜曰此近人家矣遂度山出一大溪
溪邊有二女色甚美顧笑曰劉阮二郎捉杯來
耶劉阮異之二女懽然如舊曰來何晚耶卽邀

還家南壁東壁各有羅帷絳帳命侍女具饌有
胡麻飯山羊脯甚甘美食畢行酒俄有羣女持
酒繼弄絲弦笙簫歌舞作樂夜半各就一帳宿
歡洽如膠住久日求還苦留半年氣候草木常
春花艷無凋零歸思更切二女曰罪根未滅使
君等至此遂指示還路及歸鄉邑零落已七世
矣再往女家尋覓不獲晉太康八年失二人所
在

列仙傳

卷一

三





張道陵



列仙傳卷二

一掃葉山房

張道陵

張道陵字輔漢子房八世孫身長九尺二寸龐
眉廣額朱頂綠睛隆準方頤目有三角伏犀貫
頂垂手過膝龍蹲虎步望之儼然漢光武建武
十年生於天目山母初夢大人自北魁星中降
至地以薔薇香授之既覺滿室異香經月不散
感而有孕及生日黃雲籠室紫氣盈庭室中光

氣如日月七歲通道德經河洛圖緯之書皆極其奧舉賢良方正身雖仕而志在修煉入蜀愛蜀中溪嶺深秀遂隱於鶴鳴山弟子有王長者習天文通黃老相與煉龍虎大丹三年丹成真人年六十餘餌之若三十許人與王長入北嵩山遇繡衣使者告曰中峯石室藏上三皇內文黃帝九鼎太清丹經得而修之乃昇天也於是列仙傳

卷二

二掃葉山房

真人齋戒七日入石室蹇然有聲掘地取之果得丹書精思修煉能分形散影每泛舟池中誦經堂上隱几對客杖藜行吟一時並起人皆莫測西城房陵間有白虎神好飲人血每歲其鄉殺人祭之真人召其神戒之遂滅又梓州有大蛇時吐毒霧行人中毒輒死真人以法禁之不復爲害順帝壬午歲正月十五夜真人在鶴鳴

山夢覺惟聞鑾佩珊珊天樂隱隱瞪目東瞻見
紫雲中素車一乘車中一神人容若冰玉神光
照人不可正視車前一人勅真人曰子勿驚怖
卽太上老君也真人禮拜老君曰近蜀中有六
大鬼神枉暴生民深可痛惜子其爲吾治之以
福生靈則子功無量而名錄丹臺矣乃授以正
一盟威秘籙三清衆經九百三十卷符籙丹竈
列仙傳

卷二

三掃葉山房

秘訣七十二卷雌雄劍二把都功印一枚且曰
與子千日爲期後會聞苑真人乃叩頭領訖曰
味秘文按法遵修時有八部鬼帥各領鬼兵動
億萬數周行人間暴殺萬民枉天無數真人奉
老君誥命佩盟威秘籙往青城山置琉璃高座
左供大道元始天尊右置三十六部真經立十
絕靈幡周匝法席鳴鐘扣磬布龍虎神兵衆鬼

卽挾兵刃矢石來害真人舉手一指化爲
一大蓮花拒之鬼衆復持火千餘炬來真人舉
手一指鬼反自燒遙謂真人曰師自住峨嵋山
何爲來侵奪我居處真人曰汝等殘害衆生所
以來伐汝損之西方不毛之地奉老君命也自
今速當遠避勿復行病人間如違卽當誅戮無
留種鬼王不服次日復會六大魔王率鬼兵百
萬環攻真人乃以丹筆一畫衆鬼盡死惟六魔
王仆地不能起叩頭求生真人不顧復以丹筆
一裁此山遂分爲二六魔王欲度不能始大聲
哀求願往西方娑羅國居止焉真人乃許之倒
筆再畫六魔羣鬼悉起真人命王長肩一大石
爲橋度之真人猶欲服其心謂之曰試與爾各
盡法力六魔曰惟命真人投身入火卽足履青

蓮而出鬼帥投火爲火所燒真人入水乘黃龍
而出鬼帥入水爲水所溺真人以身入石透石
而出鬼帥投石纔入一寸真人呪神符一道左
手指之鬼斃右手指之復生鬼帥左右指無生
無歛鬼帥化八大虎犇攫而來真人化一獅子
逐之鬼帥化八大龍欲來擒師真人化金翅鳥
啄龍目睛鬼帥作五色雲昏暗天地真人化五
色日炎光輝灼雲卽流散鬼帥變化技窮真人
乃化一大石可重萬餘斤以藕絲懸之鬼帥營
上令二鼠爭齧其絲欲墮鬼帥同聲哀告再不
虐害生民真人遂命六大鬼王歸於北酆八部
鬼帥竄於西域鬼衆猶躊躇不去真人乃口勅
神符一道飛上層霄須臾風雨雷電刀兵畢至
羣鬼滅影而遁真人至蒼溪縣雲臺山謂王長

曰此山乃吾成功飛騰之地也遂卜居修九還
七返之功一日復聆鑾珮天樂之音真人整衣
叩伏見老君千乘萬騎來集雲際徘徊不下真
人再拜老君乃命使者告曰子之功業合得九
真上仙吾昔使子入蜀但區別人鬼以布清淨
之化而子殺鬼過多又擅興風雨役使鬼神陰
景翳晝殺氣穢空殊非大道好生之意上帝正

列仙傳

卷二

六

責子過所以吾不得近子也子且退居勤行修
謝吾待子於無何有鄉上清八景宮中言訖聖
駕昇去真人遂依告文與王長遷鶴鳴山謂弟
子趙昇曰彼處有妖當往除之及至值十二神
女笑迎於山前因問曰此地有鹹泉何在神女
曰前大湫是毒龍處之真人遂書一符化爲金
翅鳥向湫上盤旋毒龍驚舍湫而去遂得鹹泉

後居民煮之有鹽十二神女各出一玉環來獻
曰妾等願事箕箒真人受其環以手緝之十二
環合而爲一謂曰吾投此環于井中能得之者
應吾夙命也神女競解衣入井爭取玉環真人
遂掩之盟曰令作井神無得復出彼方之民至
今不懼神女之害而獲鹹井之利真人重修二
十年乃復領趙昇王長往鶴鳴山一日午時忽

列仙傳

卷二

七

見一人黑幘絹衣佩劍捧一玉函進曰奉上清
真符召真人遊閭苑須臾有黑龍駕一紫輦玉
女二人引真人登車旋踵至闕羣仙禮謁良久
忽二青童朱衣絳節前導曰老君至矣乃相與
騰空而上至一殿金堦玉砌或謂真人曰將朝
太上元始天尊也真人整衣趨進殿上移時殿
上勅青童諭真人以正一盟威之法使世世宣

布爲人間天師勸度未悟仍密諭飛昇之期真人受命乃復還鶴鳴山桓帝永壽元年正月七日五更初長昇見空中老君駕龍輿命真人乘白鶴同往成都重演正一盟威之旨說北斗南斗經畢老君復去真人欲留其神跡乃於雲臺西北半崖間舉身躍入石壁中自崖頂而出其山因成二洞九月九日在巴西赤城渠亭山中

列仙傳

卷二

八

上帝遣使者持玉冊授真人正一真人之號諭以行當飛昇真人乃以盟威都功等諸品秘籙斬邪二劍玉冊玉印以授其長子衡且謂長昇曰尚有餘丹二子可分餌之今日當隨吾長昇矣亭午羣仙儀從畢至天樂擁導於雲臺峰白日昇天時真人年一百二十三歲也

蕭史

列仙傳卷二

九

蕭史

蕭史得道好吹簫秦穆公以女弄玉妻之遂教
弄玉吹簫作鳳鳴有鳳來止其屋公爲作鳳臺
後弄玉乘鳳蕭史乘龍共昇天去



梅福



列仙傳卷二

十

梅福

梅福字子真壽春人仕漢爲南昌尉見王莽專
政嘆曰生爲我酷形爲我辱知爲我毒身爲我
桎梏遂棄家求仙遍遊雁蕩南閩諸山至仙霞
山遇空同仙君授以內外丹法謂福曰汝緣在
飛鴻山福遂往結庵修煉丹成復還壽春一日
紫霧浮空金童玉女捧詔控鸞下福拜詔辭家

乘鸞而去人見福於宋元豐間封壽春真人

列仙傳

卷二

十



黃初平

列仙傳

卷二

士

黃初平

黃初平晉丹谿人年十五牧羊遇道士引至金華山石室中四十餘年其兄初起尋之不獲後遇道士善卜起問之曰金華山中有一牧羊兒初起卽往見初平問羊安在曰在山東往視之但見白石磊磊初平叱之石皆成羊初起亦棄妻子學道後亦成仙

費長房

列仙傳卷二

三

費長房

費長房汝南人曾爲市掾有老翁賣藥于市懸一壺於肆頭及市罷輒跳入壺中市人莫之見惟長房於樓上覩之異焉因往再拜翁曰子明日更來長房旦日果往翁乃與俱入壺中但見玉堂嚴麗旨酒甘肴盈衍其中共飲畢而出翁囑不可與人言後乃就長房樓上曰我仙人也



以過見責今事畢當去子寧能相隨乎樓下有少酒與卿爲別長房使十人扛之猶不能舉翁笑而以一指提上視器如有一升許而二人飲之終日不盡長房心欲求道而念家人爲憂翁知乃斷一青竹使懸之舍後家人見之長房也以爲縊歿大小驚號遂殯殮之長房立其傍而衆莫之見於是隨翁入山踐荆棘於羣虎之中

列仙傳

卷二

古

留使獨處長房亦不恐又臥長房於空室以朽索懸萬斤石於其上衆蛇競來齧索欲斷長房亦不移翁還撫之曰子可教也復使食糞糞中有三蟲臭穢特甚長房意惡之翁曰子幾得道恨於此不成奈何長房辭歸翁與一竹杖曰騎此任所之頃刻至矣至當以杖投葛陂中長房乘杖須臾來歸自謂去家適經旬日而已十餘

年矣卽以杖投陂顧視則龍也家人謂其久
驚訝不信長房曰往日所葬竹杖耳乃發塚剖
棺杖猶存焉遂能醫療衆病鞭笞百鬼又嘗食
客而使使至宋市能須臾還乃飯桓景嘗學于
長房一日謂景曰九月九日汝家有大災可作
絳囊盛茱萸繫臂上登高山飲菊花酒禍可消
景如其言舉家登山夕還見牛羊雞犬皆暴死

列仙傳

卷二

五

焉

藍采和

列仙傳卷二

藍采和

夫



藍采和不知何許人常衣破襪衫六銖黑木腰帶闊三寸餘一脚着靴一脚跣足夏則衫內加絮冬嘗臥雪中氣出如蒸每於城市乞索持大拍板長三尺餘醉而踏歌老少皆隨看之似狂非狂歌詞率爾而作皆神仙意人莫之測得錢則用繩穿拖之而行或散失亦不顧或贈貧者

或與酒家周遊天下人有自兒童時見之者及
班白見之顏狀如故後於濠梁酒樓上飲酒聞
有笙簫聲忽然乘鶴而上擲下靴衫腰帶拍板
冉冉而去

列仙傳

卷二

孫登

列仙傳 卷二

孫登

六



孫登字公和於汲郡北山上窟中住夏則編草
爲裳冬則披髮自覆善長嘯好讀易鼓一絃琴
性無喜怒嵇康從之遊三年問其所圖終不答
將別謂曰先生竟無言乎登曰子識火乎火生
而有光而不用其光果然在於用光人生而有
才而不用其才果然在於用才故用光在乎得

薪所以保其耀用才在乎識真所以全其年康
父請學琴登不教之曰子才多識寡難免于今
之世矣後康果遭呂安事在獄爲詩自責云昔
慚下惠今愧孫登登竟白日昇天

列仙傳

卷二

九

麻姑

列仙傳卷二

麻姑

干



麻姑仙人王方平之妹漢桓帝時方平降蔡經之家曰汝當得度世故來教汝但汝氣少肉多未能卽上天當作尸解乃告以要言而去經後忽身發熱如火三日肉消骨立入室以被自覆忽然失其所在視其被中但有形如蛇蛻後十餘年忽還家語家人曰七月七日王君復來當

作酒數百斛以待其日方平果著遠游冠乘五
龍車前後麾節旌旗導衛如大將軍侍從既至
從官皆隱經父兄叅畢方平乃遣人迎麻姑少
頃麻姑至經舉家見之年可十八許頂中作髻
餘髮散垂至腰錦衣綉裳光彩耀目坐定自進
行厨辟鱗脯器皆金玉時經婦新產麻姑見之
乃曰噫且止勿前索少許米來擲地皆成丹砂

列仙傳

卷二

三

方平笑曰麻姑猶作少年戲也姑云接待以來
東海三爲桑田蓬萊水又淺矣方平亦曰聖人
皆言海中將復揚塵也麻姑手似鳥爪縈經私
念背痒時得此爪搔之佳方平卽知乃鞭經背
曰麻姑神人也汝謂其爪可搔背痒耶方平去
麻姑亦辭去

呂洞賓

列仙傳卷二

呂洞賓

三



呂巖字洞賓唐蒲州永樂縣人號純陽方初母
就蓐時異香滿室天樂浮空一白鶴自天而下
飛入帳中不見生而金形木質鶴頂龜背鳳眼
彩入雙眉入鬢少聰明日記萬言矢口成文身
長八尺二寸狀類張子房二十不娶始在襁褓
馬祖見曰此兒骨相不凡自是風塵物外他時

遇廬則居見鍾則扣留心記取後遊廬山遇火
龍真人傳天道劍法唐會昌中兩舉進士不第
時年六十四歲遊長安酒肆見一羽士青巾白
袍偶書絕句於壁曰坐臥常携酒一壺不教雙
眼識星都乾坤許大無名姓疎散人間一丈夫
洞賓訝其狀貌奇古詩意飄逸因揖問姓氏羽
士曰吾雲房先生也居在終南鶴嶺子能從遊
乎洞賓未應雲房因與同憩肆中雲房自爲執
炊洞賓忽就枕昏睡夢已舉子赴京狀元及第
始自郎署擢臺諫翰苑秘閣及諸清要無不備
歷兩娶富貴家女生子婚嫁蚤畢幾四十年又
獨相十年權勢薰炙偶被重罪籍沒家資分散
妻孥流于嶺表一身孑然立馬風雪中方興浩
嘆恍然夢覺炊尚未熟雲房笑吟曰黃梁猶未

熟一夢到華胥洞賓驚曰先生知我夢耶雲房
曰子適來之夢升沉萬態榮悴千端五十年間
一瞬耳得不足喜喪不足悲世有大覺而後知
賣銅器者市之以歸皆金也卽訪賣主還之第
八試有風狂道士陌上市藥自言服者立死再
世得道洞賓買之道士曰子速備愆爭可也輒
服無恙第九試春潦泛溢洞賓與衆共涉至中

列仙傳

卷二

三

流風濤掀湧衆皆危懼洞賓端坐不動第十試
洞賓獨坐一室忽見奇形怪狀鬼魅無數有欲
擊者有欲殺者洞賓絕無所懼忽聞空中一叱
聲鬼神皆不復見一人撫掌大笑而下卽雲房
也曰吾十試子皆無所動得道必矣吾今授子
黃白之術濟世利物使三千功滿八百行圓方
來度子洞賓曰所作庚辛有變異乎曰三千年

後還本質耳洞賓愀然曰誤三千年後人不願
爲也雲房笑曰子推心如此三千八百悉在是
矣乃携洞賓至鶴嶺悉傳以上真秘訣又以靈
寶畢法及靈丹數粒示洞賓授受間有二仙捧
金簡寶符語雲房曰上帝詔汝爲九天金闕選
人世一大夢也洞賓感悟遂拜雲房求度世術
雲房試之曰子骨節尚未完欲求度世須更數
列仙傳

卷二

五

世可也詎然別去洞賓卽棄儒歸隱雲房自是
十試洞賓第一試洞賓自外遠歸忽見家人皆
病歿洞賓心無悔恨但厚備葬具而已須臾歿
者皆起無恙第二試洞賓鬻貨於市議定其值
市者翻然止酬其直之半洞賓無所爭委貨而
去第三試洞賓元日出門遇丐者倚門求施洞
賓卽與錢物而丐者索取不厭且加詈詈洞賓

惟再三笑謝第四試洞賓牧羊山中遇一餓虎
奔逐羣羊洞賓獨以身當之虎廼釋去第五試
洞賓居山中草舍讀書一女容華絕世光艷照
人自言歸寧迷路借此少憩旣而調弄百端洞
賓竟不爲動第六試洞賓一日郊出及歸則家
貲爲盜劫盡洞賓了無愠色躬耕自給忽鋤下
見金數十片速掩之一無所取第七試洞賓遇

列仙傳

卷二

五

仙雲房謂洞賓曰吾赴帝召汝好住人間修功
立德他時亦當如我洞賓再拜曰巖之志異於
先生必須度盡天下衆生方願上昇也於是雲
房乘雲冉冉而去洞賓旣得雲房之道兼火龍
真人天道劍法始遊江淮試靈劍遂除蛟害隱
顯變化四百餘年常遊湘潭岳鄂及兩浙汴譙
間人莫知識自稱回道人宋政和中宮中有崇

白晝見形盜金寶妃嬪上精齋虔禱奏詞凡六
十日晝寢見東華門外有一道士碧蓮冠紫鶴
擎手持水晶如意揖上曰臣奉上帝命來治此
崇卽召一金甲丈夫捉崇劈而啗之且盡上問
丈夫何人道士曰此乃陛下所封崇寧真君關
羽也上勉勞再四因問張飛何在羽曰張飛爲
臣累劫世世作男子身今已爲陛下生於相州

列仙傳

卷二

三

岳家矣上問道士姓名道士曰臣姓陽四月十
四日生夢覺錄之知其爲洞賓也自是宮禁帖
然遂詔天下有洞賓香火處皆正鈔通真人之
號其神通鈔用不能盡述後岳穆武父果夢張
飛託世故以飛命名云

張果

列仙傳

卷二

天

張果

張果隱於恒州中條山往來汾晉間得長生秘術常乘一白驢日行數萬里休息時折疊之其厚如紙置于巾箱中乘則以水噉之復成驢唐太宗高宗徵之不起武后召之出山佯歿於妬女廟前時方炎暑須臾臭爛生蟲於是則天信其歿矣後有人於恒州山中復見之開元二十



三年明皇詔通事舍人裴晤馳驛於恒州迎之
果到東京於集賢院安置備加禮敬帝問神仙
不答善息氣累曰不食數飲酒上賜之酒辭曰
小臣飲不過二升有一弟子可飲一斗明皇喜
令召之俄頃一小道士自殿簷飛下年可十五
六美姿容步趣閑雅明皇命坐果曰弟子當侍
立明皇愈喜賜酒飲及一小斗果辭曰不可更

列仙傳

卷二

无

賜過度明皇因逼賜之醉酒從頂上湧出冠衝
落地忽化爲金榼上及嬪御皆驚笑視之失道
士矣但金榼在地驗之乃集賢院中榼也榼僅
貯一斗酒帝謂高力士曰吾聞飲量而無苦者
奇士也時天寒因取以飲梁三進頽然曰非佳
酒也乃寢頃視齒焦縮顧左右取如意擊墮之
藏帶中出藥傅之良久齒復出粲然如玉上狩

咸陽獲一大鹿將令大官烹之果曰此仙鹿也已滿千歲昔漢武帝元狩五年臣曾侍從畋于上林獲此鹿乃放之上曰鹿多矣時遷代變豈常存乎果曰武帝放之時以銅牌誌於左角下遂命驗之果有銅牌二寸許但文字凋落耳上問葉法善曰果何人也答曰臣知之然臣言之卽死故不敢言若陛下能免冠跣足救臣臣方

立棲霞觀祀之

列仙傳

卷二

三

何仙姑



列仙傳

卷二

三

何仙姑

何仙姑廣州增城縣何泰女也生而頂有六毫
年十四五夢神人教曰食雲母粉當輕身不歿
乃服之遂誓不嫁常往來山谷其行如飛每朝
出暮則持山菓歸遺其母後漸辟穀武后遣使
召赴闕中路復失去景龍中白日昇仙天寶九
年見于麻姑壇立五色雲中大曆中又現身于

廣州小石樓

列仙傳

卷二

三



左慈



左慈

左慈字元放廬江人於天柱山中精思學道得
石室中丹經尤明六甲能使鬼神坐致行厨變
化萬象曹操召見閉一室斷穀暮年出之顏色
如故操嘗宴賓曰今日高會所少松江鱸耳慈
因求銅盆貯水以竿釣之卽得鱸操曰恨無蜀
薑慈曰易得操恐近取卽日前使買錦可報增

二十段慈曰諾乃擲盃空中化鶴而去須臾袖中出薑後買錦者回果云是日得報增錦操出郊從者百許慈爲齋酒一升脯一斤手自斟酌百官莫不醉飽操怪之行視諸壚悉亡其酒脯矣操惡其怪因收慈欲殺之慈乃卻入壁中霍然不知所在或見於市捕之而市人皆變形與慈同莫辨誰是或逢慈於陽城山頭因復逐之

列仙傳

卷二

三

遂奔八羊羣操知不可得乃令使告之曰不復相殺本試君術耳忽有一老羝居前兩膝人立而言曰遽如許使欲取之而羣羊數百皆變爲羝竝人立云遽如許亦莫知取焉

曹國舅



列仙傳卷二

三

曹國舅

曹國舅宋太后弟也因其弟每不法殺人深以爲恥遂隱跡山巖精思立理野服葛巾經旬不食一日遇鍾離純陽二仙問曰聞子修養所養何物對曰養道曰道何在舅指天曰天何在舅指心二仙笑謂曰心卽天天卽道子親見本來面目矣遂授以還真秘術引入仙班

許真君

列仙傳卷二

許真君

三



許遜字敬之號真君南昌人吳赤烏二年母夢
金鳳啣珠墜於掌上翫而吞之因是有娠而生
真君少小疎通與物無忤嘗從獵射一麀鹿中
之而斃鹿母皇顧舐之因感悟折棄弓矢尅意
爲學博通經史尤嗜神仙修煉之術聞西安吳
猛得丁義神方乃往師之悉受其秘日以修煉

爲事時買一鐵燈檠因夜燃燈見漆剝處有光
視之金也明日訪售主還之晉武帝太康元年
舉孝廉辟爲旌陽縣令吏民悅服歲饑民無以
輸眞君乃以靈丹點瓦礫成金令人潛瘞於縣
圃一日藉民之未輸者使服力於圃民鋤地得
金用以輸納遂悉安堵又歲大疫死者十七八
眞君以所得神方拯治之他郡病民相繼而至
列仙傳

卷二

庚

於是標竹於郭外置符水於其中使就竹下飲
之皆瘥久之知晉室將亂乃棄官東歸嘗憩於
柏林有女童五人各持寶劍來獻眞君異而受
之旣而偕至眞君之家惟日擊劍自娛眞君知
其劍仙也卒獲神劍之用旣而與吳君遊於丹
陽黃堂聞謀姆多道術遂同往叩以道妙姆曰
昔孝悌王下降曲阜蘭公家謂蘭公曰後晉代

當有神仙許遜傳吾此道留下金丹寶經銅符
鐵券授吾掌之以俟子積有年矣今當授子乃
擇日登壇出孝悌王諸秘悉傳之真君方心期
每歲必來謁姆姆卽覺之曰子勿來吾卽還帝
鄉矣因取香茅一根南望擲之曰子歸茅落處
立吾祠歲秋一至足矣二君還覓訪飛茅之迹
遂建祠宇每歲仲秋之三日必朝謁焉初真君
往訪飛茅偶憇真靖見鄉民盛烹宰以祀神且
相戒曰祭不腆則神怒降禍真君曰怪崇敢爾
乃召風雷伐之拔其林木明日告其里人曰妖
社已驅毋用祭也又見人苦遠汲乃以杖刺社
前涸澤出泉以濟之雖旱不竭渡小蜀江感江
主朱氏迎接甚勤乃戲畫一松於其壁其
家因之得利加倍後江漲潰堤市舍俱漂惟松

壁不壞真君往西安縣行過一小廟廟神迎告
曰此有蛟害民知仙君來逃往鄂渚矣真君至
鄂渚路逢二老人指曰蛟伏前橋下真君至橋
仗劍叱之妖蛟驚奔入大江匿于深淵乃勅吏
兵驅出遂誅之時海昏之上繚有巨蛇據山爲
穴吐氣成雲亘四十里人畜在其氣中者俱被
吞吸大爲民害真君聞之乃集弟子遂前至蛇
所仗劍布炁蛇懼入穴乃飛符召海昏社伯驅
之蛇始出穴舉首高十餘丈目若火炬吐毒衝
天真君嘯命風雷呼指神兵以攝伏之使不得
動乃飛步踏其首以劍劈其顙弟子施岑甘戟
等引兵揮之蛇腹裂有小蛇自腹中出長數丈
甘君欲斬之真君曰彼未爲害不可妄誅一千
二百五十餘年後爲民害吾當復出誅之以吾

壇前植柏爲驗其枝拂壇掃地是其時也又預
識云吾仙去後一千二百四十年間豫章之境
五陵之內當出地仙八百人此時小蛇若爲害
彼八百人自當誅之蛇子遂得入江真君曰大
蛇雖滅蛟精未誅恐其俟隙潰郡城吾歸郡乎
乃與甘施二君歸郡周覽城邑遇一少年通謁
自稱姓慎禮貌勤恪應對敏給遽告真君謂弟
列仙傳卷二

聖

子曰適來者非人卽老蛟故來見試也迹其所
之乃在郡城江汧化黃牛臥沙磧之上真君剪
紙化黑牛往鬪之令施岑潛持劍往俟其鬪酣
卽揮之施君一揮中其左股牛奔入城南直至
長沙化爲人入賈玉使君之家先是蛟精嘗慕
玉之美女化爲一美少年謁之玉愛其才乃妻
以女居數載生二子常以春夏之交子然而出

至秋則乘巨艦重載而歸蓋乘春夏大水覆舟
所獲也是秋空還語玉云財貨爲盜所刼且傷
左股玉求醫療之真君卽爲醫士謁玉玉喜召
壻出蛟精覺懼不敢出真君隨至其堂厲聲叱
曰江湖蛟精害物不淺吾尋蹤至此豈容復藏
速出蛟精計窮遂見本形蜿蜒堂下爲吏兵所
誅真君以法水喫其二子亦皆爲小蛟併誅之

列仙傳

卷二

聖

真君謂玉曰蛟精所居其下深不踰尺皆洪波
也可速徙居玉乃遷高原其地果陷爲淵真君
復還豫章而蛟之餘黨甚盛慮真君誅之皆化
爲人詭言曰僕家長安積世崇善遠聞賢師許
君有神劍願聞其功弟子語之曰吾師神劍指
天天裂指地地折萬邪不敢當神聖之寶也蛟
黨曰亦有不能傷者乎弟子戲之曰惟不能傷

冬瓜葫蘆爾蛟黨以爲誠然盡化爲葫蘆冬瓜
浮泛滿江真君知爲蛟黨所化以劍授施岑履
水斬之悉無噍類由是水妖屏迹城邑無虞明
帝太寧二年大將軍王敦舉兵內向次慈湖真
君與吳君同往謁敦異說止之時郭璞在幕府
因璞與俱見敦喜延之飲而問曰子夢一木破
天君等以爲何如真君曰非佳兆也吳君曰木
上破天未字也公宜未可妄動敦色變令璞筮
之璞曰無成敦怒令武士擒璞斬之真君乃舉
杯擲地化爲白鵠飛繞梁棟敦一舉目已失二
君所在後敦見二君還至金陵欲買舟至豫章
而舟人告以乏刺舟者真君曰爾但瞑目安坐
切勿覘視吾自爲汝駕之默召二龍挾舟而行
舟漸凌空俄過廬山頂至紫霄峯金闕洞舟人

拜求濟度真君教以服餌靈草遂得辟穀不歠
隱於此山二君各乘一龍以歸舊隱數十年間
不復以時事關意惟精修至道孝武宣康二年
真君一百三十六歲八月朔旦有二仙自天而
下云奉玉皇命授真人以九州都仙太史高明
大使之職并告以冲舉之曰遂乘雲車而去是
月望日遙聞天樂之音祥雲冉冉羽蓋龍車從
官兵衛仙童玉女前後導從乃揖真君昇龍車
真君與其父族侍從盱烈與其母部侍從仙眷
四十二口同時白日拔宅昇天雞犬亦隨百里
之內異香芬馥經月不散



司馬真人



列仙傳卷三

司馬真人

一掃葉山房

司馬承禎字子微事潘師正傳辟穀導引之術
遍遊名山唐睿宗迎至京帝問其術對曰爲道
日損損之又損以至於無爲帝曰治身則爾治
國若何對曰身猶國也游心於淡合氣於漠與
物自然而無容私焉則天下治帝嘆詠曰廣成
子之言何以加此辭歸天台盧藏用指終南山

曰此中大有佳處何必天台對曰以僕觀之是
仕宦之捷徑爾盧初隱終南後登庸聞言殊有
慚色開元中文靖天師與承禎赴千秋節齋直
長生殿中夜行道畢隔雲屏各就枕微聞若小
兒誦經聲玲玲如金玉天師乃蹇裳躡步聽之
見承禎額上有一小日如錢光耀一席逼而視
之乃承禎腦中之聲也天師還謂其徒曰黃庭
經云泥丸九真皆有房方圓一寸處此中先生
之謂乎一日謂弟子曰吾今爲東華君所召必
須往俄頃化去如蟬脫弟子葬其衣冠焉時年
八十有九有修真秘旨坐忘論等書行於世



王質

列仙傳卷三

三掃葉山房

王質

王質晉衢州人入山伐木至石室山見石室中有數老人圍棋質置斧觀之老人以物如棗核與質令含咽其汁便不覺飢渴且告云汝來已久可還質取斧柯已盡爛矣質亟歸家已數百年親舊無復存者復入山得道人往往見之

陶弘景

列仙傳卷三

陶弘景

四掃葉山房



陶弘景字道明秣陵人初母夢青龍自懷而出
已而有娠生而幼有異操十歲見葛洪神仙傳
晝夜研尋謂人曰仰青雲覩白日不覺爲遠矣
及長身長七尺七寸神儀明秀朗目疎眉耳各
有七十餘毛出外二寸許右膝有數十黑子作
七星文讀書萬卷善琴棋工草隸弱冠齊高帝

作相引爲諸王侍讀雖在朱門閉影不交外物
惟以披閱爲務永明十年脫朝服掛神武門上
表辭祿詔許之乃止于句容之茅山立館號曰
華陽隱居徧歷名山尋訪仙藥每經澗谷必坐
臥其間吟詠盤桓不能已沈約爲東陽守高其
志節累書邀之竟不至弘景爲人員通謙謹出
處冥會心如明鏡遇物便了永元初架三層樓

列仙傳

卷三

五

弘景處其上與物遂絕惟一家僮得至其所元
善騎射晚皆不爲雅聽吹笙而已特愛松風庭
院皆植松每聞其響欣然爲樂有時獨游泉石
望見者咸以爲仙人及梁武禪代弘景援引圖
讖數處皆成梁宇令弟子進之武帝恩禮愈篤
及得神符秘訣以爲神丹可成而苦無藥物帝
給黃金朱砂等物乃合飛丹色如霜雪服之體

輕帝服亦驗益敬重之屢加禮聘並不就惟畫
兩牛一牛散放水草之間一牛著金籠頭有人
執繩以策驅之武帝笑曰此人欲斂曳尾之龜
豈可復致國家每有大事無不咨之時謂山中
宰相年逾八十無異壯容後簡文帝臨南徐州
欽其風素退居後堂召之弘景葛巾進見與談
數日而去帝甚爲敬異其弟子桓闔得道將昇

列仙傳

卷三

六

天弘景問曰某行教修道勤亦至矣得非有過
尚淹延在世乎乃托闔探之闔昇天後還謂弘
景曰師之陰功極著但所修本草多用虫虫水
蛭之類功雖及人亦傷物命以此一紀後方解
形拂世爲蓬萊都水監耳弘景復以草木之藥
可代物命者著別行本草三卷以贖其過一日
遇疾自知應逝逆尅亡日仍作告逝詩大同二

首卒時年八十五顏色不變屈伸如常香氣累
累氤氲滿山

列仙傳

卷三

七

裴航



列仙傳

卷三

裴航

八

裴航唐長慶中書生因下第遊于鄂渚謁故舊
崔相國相國贈錢二十萬遂挈歸于京因僱巨
舟載於襄漢聞同載有樊夫人國色也航無由
覩面因侍婢裊烟而達詩一章曰向爲胡越猶
懷想况遇天仙隔錦屏儼若玉京朝會去願隨
鸞鶴八青冥數日後夫人亦使裊烟答詩一章

云一飲瓊漿百感生玄霜搗盡見雲英藍橋便是神仙窟何必崎嶇上玉京航覽之空愧佩而已然亦不能洞達詩之旨意及抵襄漢夫人使婢挈粧奩不辭而去航遍求訪竟無蹤跡後經藍橋驛因渴甚下道求飲見茅屋三四間有老嫗緝麻其下航揖嫗求漿嫗咄曰雲英携一甌漿來郎君飲航憶夫八詩有雲英之句正訝之

列仙傳

卷三

九

俄葦薄之下雙手如玉捧出瓷甌航接飲之不啻玉液也因還甌遽揭薄見一女子光彩照人航愛慕不已因白嫗曰某僕馬甚乏願少憩於此嫗曰任郎君自便耳良久告嫗曰向睹小娘子艷麗驚人姿容耀世所以躊躇而不能去願納厚禮而娶之可乎嫗曰老病只有此孫女昨有神仙與靈藥一刀圭但須玉杵臼搗之百日

方可就吞若欲娶此女者須得玉杵曰其餘金帛吾無用處耳航拜謝曰願以百日爲期必携杵曰至幸無復許人嫗曰如約航至京遍訪玉杵曰忽遇一貨玉翁曰近有一玉杵曰非二百緡不可得航乃傾囊兼賣僕馬方及其他值輒步驟獨携而抵藍橋嫗見大笑曰世間有如此信士乎遂許以爲婚女亦微笑曰雖然更爲擣藥

列仙傳

卷三

十

百日方議婚好嫗於襟帶間解藥付航航卽擣之每夜猶聞搗藥聲航窺之見玉兔持杵而舂百日足嫗持藥而吞之曰吾當入洞而告姻戚爲裴郎具幃帳遂挈女入山謂航曰但少留此逡巡車馬隸人迎航見一大第連雲朱扉晃目仙童侍女引航入帳就禮訖航拜嫗不任感荷及引見諸姻戚皆神仙中人一女仙鬟髻霓衣

云是妻之姊航拜訖女仙曰裴郎不意鄂渚同舟而抵襄漢子航愧謝左右曰是小娘子之姊雲翹夫人一桐仙君之妻也已列高真爲玉皇之女史姬遂將航夫妻入玉峯洞中瓊樓珠室而居之餌以絳雪瓊英之丹體漸清虛毛髮紺綠神化自在超爲上仙至太和中友人盧顥遇之於藍橋驛之西備說得道之事乃贈藍田美

列仙傳

卷三

上

玉十斤紫府雲丹一粒顥稽顙請曰兄旣得道乞一言惠教航曰老子云虛其心實其腹顥猶懵然復語之曰心多妄想腹漏精液虛實可知也言訖忽不見

孫思邈

列仙傳卷三

孫思邈



孫思邈華原人七歲日誦千言獨孤信見之曰
聖童也顧器大難爲用耳及長好談老莊隱於
太白山學道鍊氣養神求度世之術洞曉天文
精究醫藥務行陰德偶見牧童傷小蛇血出思
邈脫衣贖而救之旬餘出遊見一白衣少年下
馬拜謝曰吾弟蒙道者所救復邀思邈至家易

以己馬偕行如飛至一城郭花木盛開金碧炳
耀儼若王者居見一人袷帽絳衣侍從甚衆忻
喜趨接謝曰深蒙厚恩故遣兒子相迎因指一
青衣小兒云前者此兒獨出爲牧豎所傷賴道
者脫衣贖救得有今日乃令青衣小兒拜謝思
邈始省昔日救蛇事潛問左右此爲何所對曰
此涇陽水府也絳衣王者命設酒饌妓樂宴思
列仙傳

卷三

三

邈思邈辭以辟穀服氣惟飲酒耳留連三日乃
以輕綃金珠相贈思邈堅辭不受乃命其子取
龍宮奇方三十首與思邈曰此可以助道者濟
世救人思邈歸以是方歷試皆効乃編入千金
方中隋文帝徵爲國子博士不就至唐太宗召
始詣京師永徽三年年已百餘歲一日沐浴衣
冠端坐謂子孫曰吾今將遊無何有之鄉矣俄

而氣絕月餘顏色不變及入棺唯空衣焉後皇幸蜀夢思邈乞武都雄黃卽命中使齋十斤送於峨眉頂上見一人幅巾被褐鬚眉皓白指大盤石曰可置藥於此石上有表錄謝使視石上大書百餘字遂錄之隨寫隨滅須臾白氣漫起因忽不見成都有一僧誦法華經甚專忽一日有僕人至云先生請師誦經經過煙嵐中八一

列仙傳

卷三

古

山居先生野服杖藜兩耳垂肩焚香出聽誦經遂供僧以藤盤竹箸秫飯一盂杞菊數甌僧食之美若甘露復贈錢一緡僕送出口僧因問曰先生何姓曰姓孫曰何名僕於掌中手書思邈二字僧大駭視僕遽失不見視錢皆金錢也僧自此身輕無疾後莫知所之

譚峭



列仙傳卷三

譚峭

五

譚峭字景升幼而聰敏文史涉目無遺獨好黃
老仙傳一旦告父母出遊終南山師嵩山道士
十餘年得辟穀養氣之術常醉遊夏則服烏裘
冬則衣布衫或臥風雪中人謂已斃視之氣休
休然頗似風狂每行吟曰線作長江扇作天鞞
鞋拋在海東邊蓬萊信道無多路只在譚生拄

杖前後居南嶽煉丹丹成服之後遂仙去

列仙傳

卷三

十六

許宣平



列仙傳卷三

七

許宣平

許宣平新安歙縣人唐睿宗景雲中隱於城陽
山南塢結庵以居不修服餌顏若四十許人時
負薪賣於市擔上常掛一花瓢携曲竹杖每醉
吟騰騰以歸吟曰負薪朝出賣沽酒日西歸借
問家何處穿雲入翠微往來三十餘年或施人
危急或救人疾苦士人多訪之不得見但見庵

壁題詩曰隱居三十載築室南山巔靜夜翫明月閑朝飲碧泉樵人歌隴上谷鳥戲巖前樂矣不知老都忘甲子年天寶中李白知宣平爲仙於是遊新安訪之亦不得見乃題詩於庵壁曰我吟傳舍詩來訪仙人居烟嶺迷高迹雲林隔太虛窺庭但蕭索倚杖空躊躇應化遼天鶴歸當千歲餘宣平歸見壁詩乃自題曰一池荷葉

列仙傳

卷三

六

衣無盡兩畝黃精食有餘又被人來尋討着移庵不免更深居其庵輒爲野火所燒莫知踪跡後百餘歲至懿宗咸通十二年許明恕婢八山採樵一日獨於南山中見一人坐石上食桃問婢曰汝許明恕家婢耶婢曰是曰我卽明恕之祖宣平也汝歸爲我向明恕道我在此山中與汝一桃卽食之不得將出山山神惜此桃且虎

狼甚多也婢食之甚美須臾而盡乃遣婢隨樵
人歸婢覺樵擔甚輕到家具言入山逢祖翁宣
平明怒怒婢呼祖諱取杖擊之其婢隨杖身起
不知所逝後有人入山見婢復童顏遍身衣樹
皮行疾如飛入深林不見

列仙傳

卷三

九

玄真子

列仙傳卷三

玄真子



二十

張志和字不同唐金華人母夢楓生腹上而生
肅宗擢明經賜名志和命待詔翰林後親喪不
復仕遨遊江湖自號烟霞釣徒又號玄真子垂
釣不設餌志不在魚也飲酒三斗不醉守真養
氣臥雪不寒入水不濡每酒餌鋪席水上獨坐
而酌席來去如舟俄有雲鶴旋後其上遂跨鶴

而昇

列仙傳

卷三

三



軒轅集

列仙傳卷三

軒轅集

三

軒轅集不知何許人相傳數百歲顏色不老坐
暗室目光長數丈每採藥於岩谷則毒龍猛獸
隨之若爲衛護居常人家請齋者雖百處皆分
身而至與人飲酒則袖出一壺纔容二升賓客
滿座傾之彌日不竭自飲百升不醉遇病者以
布巾拂之應手而愈宣宗召八問長生可致不



答曰絕聲色薄滋味哀樂一致德施無偏自然
與天地合德日月齊明況長生久視乎及退上
以金盆覆白鵲令中使試之集曰皇帝安能更
令老夫射覆乎盆下白鵲宜早放之上笑曰先
生早知矣命坐御榻前令宮人侍茶湯集貌古
而布素宮人有笑之者元鬢髮朱唇年方二八
須臾變爲老嫗鬢髮皓然因涕泣不已上令謝
列仙傳卷三

三

之卽復故步京師素無荳蔻荔枝花上因語及
頃刻二花並至枝葉如新時坐有相子集曰臣
山中亦有味更佳上曰無緣得矣集乃取御前
碧玉甌以寶盤覆之俄頃徹盤相子幾滿上食
之嘆曰美無比又問曰朕得幾年天子集取筆
書四十年但十字一起上笑曰朕安敢望四十
年乎久之辭還山命中使送之每見其於一布

囊內探錢施人比至江陵已施數十萬取之不
竭未及至山忽亡所在不日南海奏先生已歸
羅浮矣及冥駕只四十年也

列仙傳

卷三

三

陳希夷

列仙傳卷三

陳希夷

三



陳搏字圖南號扶搖子亳州真源人初生不能
言至四五歲戲渦水水濱有青衣媼引置懷中
乳之卽能言敏悟過人及長經史一覽無遺先
生曰向所學但足記姓名而已吾將遊泰山與
安期黃石輩論出世法安能與世脂韋汨沒出
入生歟輪迴間哉乃盡散家業惟携一石鐙而

去梁唐士大夫挹其清風得識其面如觀景星
慶雲然先生皆莫與交唐明宗親爲手詔召之
先生至長揖不拜明宗待之愈謹以宮女三人
賜先生先生賦詩謝曰雪爲肌體玉爲腮多謝
君王送得來處士不興巫峽夢空煩雲雨下陽
臺遂遯去隱武當山九石巖服氣辟穀凡二十
餘年復移居華山時年已七十餘矣常閉門臥

列仙傳

卷三

三

累月不起周世宗顯德中有樵於山麓見遺骸
生塵迫而視之乃先生也良久起曰睡酣奚爲
擾我後世宗召見賜號曰雲先生一日乘驢遊
華陰聞宋太祖登極拍掌大笑曰天下自此定
矣太祖召不至再召辭曰九重仙詔休教丹鳳
啣來一片野心已被白雲留住太宗初年始赴
召惟求一靜室乃賜居於建隆觀局戶熟寐月

餘方起辭去賜號希夷先生一日遣門人鑿石
室於張超谷旣成先生往造之曰吾其歸於此
乎遂以左手支頤而終七日容色不變肢體尚
溫有五色雲封谷口彌月不散年一百一十八
歲初兵紛時太祖之母挑太祖太宗於籃以避
亂先生遇之卽吟曰莫道當今無天子却將天
子上擔挑又遇太祖太宗與趙普遊長安市入
列仙傳

卷三

三

酒肆普坐太祖太宗之右先生曰汝紫微垣一
小星爾輒處上次可乎种放初從先生先生曰
汝當逢明主名馳海內但惜天地間無完名子
名將起必有物敗之可戒也放晚年竟喪清節
皆如其言有郭沆者少居華陰嘗宿觀下中夜
先生呼令速歸且與之俱往一二里許有人號
呼報其母卒先生因遺以藥使急去可救旣至

灌其藥遂甦華陰令王睦謂先生曰先生居溪
巖寢止何室先生且笑且吟曰華山高處是吾
宮出卽凌空跨曉風臺榭不將金鎖閉來時自
有白雲封一日有一客過訪先生適值其睡見
傍有一異人聽其息聲以墨筆記之滿紙糊塗
莫辨客怪而問之其人曰此先生華胥調混沌
譜也先生嘗遇毛女毛女贈之詩詩云藥苗不
滿筍又更上危巔回指歸去路相將入翠烟太
宗聞先生善相人遣詣南衙見真宗及門亟還
問其故曰廝役皆將相也何必見王於是建儲
之議遂定先生以易數授穆伯長穆授李挺之
李授邵康節以象學授种放放授廬江許堅堅
授范諤至今糟粕猶存也

雷隱翁

列仙傳卷三

雷隱翁

三



雷隱翁名本少磊落不羣旣長業進士再試卽
棄去默坐終日或謂其癡翁咲曰終不以吾癡
易汝黠一日以術授其子遂出遊不返宋元祐
間有朝士遊羅浮山見翁坐於樹下自吟一絕
云往往來來三十年更無蹤跡落人間功成行
滿昇天去回首山頭月正圓

馬自然



列仙傳卷三

三

馬自然

馬湘字自然獨好經史工文學嘗與道侶徧游
方外至湖州醉墮霄溪經曰而出衣不沾濕言
爲項羽相召飲指溪水令逆流指柳樹令隨流
走來去指橋令斷復續一切小術無所不爲人
或有疾告者自然無藥但以竹拄杖打患處或
以杖指之口吹杖頭作雷鳴便愈有以財帛謝

者固讓不取強與之輒散與貧人登杭州泰望
山作詩曰太一初分何處尋空留歷數變人心
九天日月移朝暮萬里山川自古今風動水光
吞遠微雨添嵐氣沒高林秦皇謾作驅山計滄
海茫茫轉更深後歸省兄兄適出謂嫂曰特歸
與兄分此宅我惟愛東園耳待兄三日不歸遽
卒明日兄歸感慟曰弟學道多年是歸託化以
列仙傳卷三
絕望耳乃棺斂遂窆之東園明年東川奏梓潼
縣道士馬自然曰白日上昇詔杭州發其棺只
一竹杖而已

張紫陽



列仙傳卷三

張紫陽

三

張柏端天台人少好學晚傳混元之道而未備
孜孜訪問徧歷四方宋熙寧二年遊蜀遇劉海
蟾授金液還丹火候之訣乃改名用成字平叙
號紫陽嘗有一僧修戒定慧能入定出神數百
里間頃刻即到與紫陽雅志契合一日紫陽曰
禪師今日能與遠遊乎僧曰可願同往楊州觀

瓊花紫陽於是與僧處一靜室相對瞑目跌坐
出神紫陽至時僧以先至達花三匝紫陽曰可
折一花爲記少頃欠伸而覺紫陽曰禪師瓊花
何在禪師袖手皆空紫陽乃拈出瓊花與僧把
翫弟子因問紫陽曰同一神遊何以有有無之
異紫陽曰我金丹大道性命兼修是故聚則成
形散則成氣所至之地真神見形謂之陽神彼
列仙傳

卷三

三

之所修欲速見功不復修命真修性宗故所至
之地無復形影謂之陰神陰神不能動物也英
宗治平中訪扶風馬默處厚於河東乃以所著
悟真篇授處厚曰平生所學盡在是矣願公流
布此書富有因書而會意者元豐五年夏跌坐
而化生世九十九歲弟子用火燒化得舍利千
百大者如芙蓉色皆紺碧識者謂曰此道書所


謂舍利耀金姿也後七年劉奉真遇紫陽於王
屋出留詩一張而去

列仙傳

卷三

三

李鼻涕



列仙傳卷三

三

李鼻涕

李鼻涕宋紹聖初劉延仲寓秀州嘗有道人過門或從求藥則以鼻涕和垢膩爲丸與之病立効因自號李鼻涕延仲延之坐曰今日適無酒爲禮道人笑曰床頭珍珠泉一尊何不出以待客劉大慚呼童取尊道人曰不必取但將空尊來尊至索紙覆之少焉香溢於外成美酒矣坐

者皆醉明日劉有他客出所謂珍珠泉者而尊
中無涓滴矣一日詣劉別云後二十年某月某
日當於眞州相見至期劉卒於眞州

列仙傳

卷三

三

歸元子

歸元子



歸洞字微通少遇異人傳還元抱一之道因自
號歸元子初隱蓬山後賣藥蜀漢間行動如飛
近族主人每夕怪其屋有聲因窺之見其身自
地而升觸棟而止或於枯骸中得物如雀卵持
以問洞洞曰繇服神丹而不能修煉故純陰剝
陽無陽與俱獨就丹田成此耳唐末王建圍成

都洞亦在城中城久不下建約城陷曰誅夷無
焦類洞乃施席作法籠攝建與三軍皆見神人
乘黑雲叱建曰敢有禍吾民者禍卽反汝建等
怖伏後入成都戒兵勿殺民不改肆洞賣丹藥
每一粒要錢十二萬時有某太守欲買之曰太
守金多非一百二十萬不可太守以爲移言惑
衆命納之竹籠沉於江中至涪陵上流二漁人
乘舟而漁舉網出之乃洞也漁曰此必異人入
定乎扣銅舂磨之少頃洞開目問漁人曰此去
銅梁幾何有三都乎漁人曰我白石江人此去
銅梁四百里自是而東卽豐都縣平都山仙都
觀也洞曰吾師謂吾遇三都白石浮水乃仙去
殆此地耶洞旣登岸語二漁人曰視子類有道
者亦有所傳乎二漁曰我昔從海上仙人得三

一之旨煉陽修陰亦有年矣洞於是索酒與共
飲取丹分餌之至荔枝園中三人昇雲而去

列仙傳

卷三

三

白玉蟾



列仙傳卷三

四

白玉蟾

葛長庚宋瓊州人母以白玉蟾名之應夢也年
十二應童子科後隱居于武夷山號東瓊子事
陳翠虛九年始得其道蓬頭跣足一衲弊甚喜
飲酒未見其醉博洽儒書出言成章嘗自讚云
千古蓬頭跣足一生服氣餐霞笑指武夷山下
白雲深處吾家雷印常佩肘間祈禳則有異應

時言休咎驚省龔俗嘗在京都遊西湖至暮墮
水舟人驚尋不見達旦則玉蟾在水上猶醺然
也一日有持刀追脅者玉蟾叱其人刀向墮而
走玉蟾招之曰汝來勿驚以刀還之時稱玉蟾
八水不濡逢兵不害宋嘉定中詔徵赴闕對玉
稱旨命館太一宮二日不知所往後每往來名
山神異莫測

陳泥丸



列仙傳卷三

聖

陳泥丸

陳楠字南木號翠虛博羅人以盤龍龜桶爲生
後得太乙刀圭金丹法於毘陵禪師得景霄大
雷琅書於黎姥山神人能以符水捻土愈病時
人呼之爲陳泥丸時披髮日行四五百里鶉衣
百結塵垢滿身善食犬肉終日爛醉嘗之蒼梧
遇郡禱旱翠虛執鐵鞭下潭驅龍須臾雷雨交

作過三山大義渡洪流舟不敢行翠虛浮笠而
濟行欽管道中遇羣盜拉殺之瘞三日盜散復
甦遊長沙衝帥節執拘送邕州獄數夕又回長
沙矣中夜坐或倉水銀越宿成白金以丹法授
白玉蟾寧宗嘉定間於漳入水而解去

列仙傳

卷三

三

莫月鼎



列仙傳卷三

四

莫月鼎

莫月鼎諱洞一字起炎湖州人生而秀朗肌膚如玉雪雙目有光射人入青城山丈人觀見徐無極受五雷之法於是月鼎自名雷師驅使鬼魅動與天合時嬉笑怒罵皆若有神物從之者元世祖召見時天色爽霽帝曰可聞雷否月鼎曰可卽取胡桃擲地雷應聲而發元主爲之改

容復命請雨立至元主大悅賜以金繒月鼎碎
截之以濟寒窶著性愛酒無日不醉醉輒白眼
望天陰飈翛翛起衣袖間嘗與客飲西湖舟中
當赤曰如火客請借片雲覆之月鼎笑拾果殼
浮觴而頃之雲自湖濱起翳于曰下蕃釐觀道
士中秋方會飲有雲蔽月久不解月鼎時遇觀
中道士知其所爲急請赴筵月鼎以手指之雲
列仙傳

卷三

罍

散如洗賣餅師積餅於筐時被精怪竊去月鼎
召雷轟雲中斬猢猻首于市一人娶婦半路爲
白猿精所攝至門但空車焉月鼎禹步如有指
麾狀狂風忽作飄婦還舍婦云適在北高峯何
以忽然至此七十三歲一曰屬其徒王繼華曰
明年正月十三日將化於汝家及期風雲雷雨
電交作索筆作偈書畢泊然而逝顏面如丹

列仙傳卷三

馬鈺陽

吳

馬鈺陽



馬鈺寧海人孫仙姑其妻也號丹陽子母初孕時夢麻姑賜丹一粒吞之覺而分瑞時金太宗天會五年也兒時常誦乘雲駕鶴之詩李無夢見而奇之曰額有三山手垂過膝真大仙之材孫君以女妻之生三子嘗題詩云抱元守一是工夫懶漢如今一也無終曰啣杯暢神思醉中

却有那人扶衆皆不曉其意一日王重陽祖師自終南來訪之云宿有仙契旣食瓜從蒂食起鉦問其故曰甘向苦中來又問從何方來曰不遠千里特來扶醉人鉦默念與前所作詩合異之遂師事焉重陽欲挽西遊鉦未能輒棄家業重陽多方點化鉦念始決遂以貲產付三子從居崑崙之煙霞洞孫仙姑在家結庵修煉二十

列仙傳

卷三

七

餘年一日鉦謂門人曰今日當有非之喜輒歌舞自娛俄聞空中樂聲仰見仙姑乘雲而過仙童玉女旌節儀仗擁導前後俯而告鉦曰先歸蓬島待君也於是夜坐談將二鼓風雷大雨震動遂東首枕肱而逝是夜鉦扣酒監郭復中門索筆書頌云長年六十一在世無人識烈雷吼一聲浩浩隨風逸少頃人云師已逝矣方悟所

見者皆眞陽神也

列仙傳

卷三

哭

魏伯陽



列仙傳卷三

兕

魏伯陽

魏伯陽吳人性好道術不樂仕宦乃入山作神丹時三弟子知兩弟子心不盡誠丹成試之曰金丹雖成當先試之犬犬無患方可服若犬死不可服也伯陽卽以丹與犬食之犬卽死伯陽曰作丹未成無乃未得神明意耶服之恐復如犬奈何弟子曰先生服之伯陽曰吾皆違世

路委家于此不得仙吾亦恥歸死與生同吾當
服之伯陽服丹入口卽死一弟子曰師非凡士
也服丹而死得無有意乎亦服之入口亦死二
弟子乃相謂曰作丹求長生爾今服丹卽死不
如不服乃共出山爲伯陽及死弟子求殯具伯
陽卽起將煉成妙丹納死弟子及犬口中須臾
皆活於是將服丹弟子姓虞者同犬仙去逢八
列仙傳

卷三

五

山伐薪人作手書寄謝一弟子嘗作祭同契凡
二卷其說似解周易其實假借爻象以寓作丹
之旨





長生詮

清淨經

還初道人自誠氏輯

夫人神好清而心擾之人心好靜而欲牽之常
能遣其欲而心自靜澄其心而神自清

內觀其心心無其心外觀其形形無其形遠觀
其物物無其物三者既悟唯見於空觀空亦空

列仙傳

卷四

一掃葉山房

空無所空所空既無無亦無無亦無湛然
常寂

陰符經

心生於物歿於物機在目

生者死之根死者生之根恩生於害害生於恩

洞古經

有動之動出於不動有爲之爲出於無爲無爲

則神歸神歸則萬物云寂不動則氣泯氣泯則萬物無生

忘於目則光溢無極泯於耳則心識常淵兩機俱忘衆妙之門

養其無象象故常存守其無體體故全真全真相濟可以長生天得其真故長地得其真故久人得其真故壽

列仙傳

卷四

二掃葉山房

大通經

靜爲之性心在其中矣動爲之心性在其中矣心生性滅心滅性現如空無象湛然圓滿

大道無相故內不攝於有真性無爲故外不生其心如如自然廣無邊際

對境忘境不沉於六賊之魔居塵出塵不落於萬緣之化

定觀經

唯滅動心不滅照心但凝空心不凝住心

有事無事常若無心處靜處喧其志唯一制而
不着放而不動處喧無惡涉事無惱者此是真
定

不以涉事無惱故求多事不以處喧無惡強來
就喧以無事爲真宅有爲爲應迹若水鏡之爲
鑒則隨物而現形

列仙傳

卷四

三掃葉山房

胎息經

胎從伏氣中結氣從有胎中息氣入身來爲之
生神去離形爲之死知神氣可以長生固守虛
無以養神氣神行卽氣行神住卽氣住若欲長
生神氣相注

胎息銘

三十六咽一咽爲先吐唯細細納唯綿綿坐臥亦爾行立坦然戒於喧雜忌以腥羶假名胎息實曰內丹非止治病決定延年久久之名列上仙

太上日用經

日用飲食禁口端坐莫起一念萬慮俱忘存神定意眼不視物耳不聽聲一心內守調息綿綿列仙傳卷四
四掃葉山房
漸漸呼出莫教間斷似有若無自然心火下降腎水上升口裏津生靈真附體得至長生十二時中常要清淨神是氣之子氣是神之母如鷄抱卵存神養氣能無離乎

心印經

上藥三品神與氣精恍恍惚惚杳杳冥冥存無守有頃刻而成回風混合百日功靈默朝上帝

一紀飛昇

水火真經

欲從心起息從心定心息相依息調心靜

文始經

心感物不生心生情物交心不生物生識物尚非真何況於識識尚非真何況於情

目視瑯琊者明愈傷耳聞交響者聰愈傷心思

列仙傳

卷四

五

八妙者心愈傷

以神存氣以氣存形所以延形合形於神合氣於氣所以隱形

吸氣以養其和孰能饑之存神以滋其煖孰能寒之

洞靈經

導筋骨則形全剪情欲則神全靖言語則福全

保此三全是謂聖賢

玉樞經

道者以誠而八以默而守以柔而用用誠似愚用默似訥用柔似拙

入道者知止守道者知謹用道者知微能知微則慧光生能知謹則聖知全能知止則泰安定

冲虛經

列仙傳

卷四

六

務外遊不如務內觀外遊者求備於物內觀者取足於身

至游者不知所適至觀者不知所眠

神遇爲夢形接爲事晝想夜夢神形所交故神凝者想夢自消

南華經

山木自寇也膏火自煎也桂可食故伐之漆可

用故割之人皆知有用之用而莫知無用之用也

至道之精窈冥冥至道之極昏昏默默

無勞女形無搖女精乃可長生日無所見耳無所聞心無所知女神將守形形乃長生

三茅真經

谷虛應聲心虛應神神虛應氣氣虛應精虛極
列仙傳卷四

七

則明明極則瑩超乎精神而無死生

情從內守氣自外生以氣取精可以長生

衛生經

精氣神爲內三寶耳目口爲外三寶當使內三寶不逐物而流外三寶不誘中而擾

洞神真經

寵辱不驚肝木自寧動靜以敬心火自定飲食

有節脾土不泄調息寡言肝金自全恬靜無慾
腎水自足

元道真經

草木根生去土則死魚鱉沉生去水則死人以
形生去氣則死是故聖人知氣之所在以爲身
寶

漢天師語

列仙傳

卷四

八

虛無大道清淨希夷不染曰清不動曰淨不視
曰希不聽曰夷勤此四者可免輪迴

純陽真人

一日清閑一日僊六神和合自安然丹田有寶
休尋道對境無心莫問禪

養氣忘言守降心爲不爲動靜知宗祖無事更
尋誰真常須應物應物要不迷不迷性自佳性

住氣自回氣回丹自結壺中配坎離陰陽生返
復普化一聲雷白雲朝頂上甘露洒須彌自飲
長生酒逍遙誰得知坐聽無絃曲明通造化機
都來二十句端的上天梯

虛靜天師

不怕念起惟恐覺遲念起是病不續是藥
有定主無常應心欲死機欲活

列仙傳

卷四

九

大道不遠在身中萬物皆空性不空性若不空
和氣住氣歸元海壽無窮

欲得身中神不出莫向靈臺留一物物在心中
神不清耗散真精損筋骨

元神一出便收來神返身中氣自迴如此朝朝
併暮暮自然赤子產真胎

李真人

一吸便提氣氣歸臍一提便咽水火相見

三茅真君

靈臺湛湛似冰壺只許元神在裡居若向此中
留一物豈能證道合清虛

寒山子

冬則朝勿饑夏則夜勿飽早起不在鷄鳴前晚
起不過日出後心內澄則真人守其位氣內定

列仙傳

卷四

十

則邪穢去其身

玉虛子

物物元無物心非形亦非三般觀曉悟悟者不
知誰

無無藏妙有有有現真空湛然俱不立常寂性
融融

中黃真人

天門常開地戶須閉息息綿綿勿令暫廢吸至
于根呼至于蒂子謂之神母謂之氣如鷄抱卵
似魚在水結就聖胎自然蟬蛻

馬丹陽

道性雖無修無證塵心要日損日消消到忘心
忘性方契無修無證

煉氣作生涯怡神爲日用常教龍虎調不使馬

列仙傳

卷四

士

猿弄

性定則情忘形虛則氣運心死則神活陽盛則
陰衰

修心要作長生客煉性當爲活死人

玄關秘論

心牽于事火動于中心火旣動真精必搖故當
死心以養氣息機以死心

無心于事則無事于心故心靜生慧心動生昏

郝太古

境殺心則凡心殺境則仙

靜處煉氣鬧處煉神

王棲雲

心隨境轉境逐心生若要心定世人愛的我不愛世人做的我不做紅塵萬緣勾引不動自然

列仙傳

卷四

三

心清意靜陰陽不能陶鑄

遣慾澄心亦是心將心擒慾應深爭如不起羣迷念方現無中百煉金

白玉蟾

大道以無心爲體忘言爲用柔弱爲本清淨爲基

薄滋味以養氣去嗔怒以養性處卑下以養德

守清淨以養道

眞火本無候大藥不計斤益神卽火氣卽藥以
火煉藥而成丹卽以神馭氣而成道也使神馭
氣使氣歸神不過回光返照收拾念頭之一法
耳

夫金丹者採二八兩之藥結三百日之胎心上
工夫不在吞津嚥氣先天造化要須聚氣凝神

列仙傳

卷四

十三

若要行持須憑口訣至簡至易非繁非難無中
養就嬰兒陰內煉成陽氣使金公生擒活虎令
姹女獨駕赤龍乾夫坤婦而媒假黃婆離女坎
男而結成赤子一爐火焰煉虛空化作微塵萬
頃冰壺照世界大如黍米神歸四大卽龜蛇交
合之時氣八四肢是烏兔鬱羅之處玉葫蘆迸
出黃金之液金蕊苞開成白玉之花正當風冷

月明時誰會山青水綠意

快活快活真快活虛空粉碎秋毫末輪迴生死
幾千遭這回大死今方活舊時策舊發生涯於
今淨盡都掉脫元來爹爹只是爺懵懵懂懂自
瓜葛近來彷彿辨西東七七依前四十八如龍
養珠心不忘如雞抱卵氣不絕又似寒蟬吸曉
風又似老蚌含秋月一箇閑人天地間大笑一
聲天地濶

列仙傳

卷四

古

我有明珠光爍爍照破三千大千國觀音菩薩
正定心釋迦如來大圓覺或如春色媚山河或
似秋光爽巖壑亦名九轉大還丹又謂長生不
死藥墻壁瓦礫相渾融水鳥樹林共寥廓缺唇
石女駕土牛跛脚木人騎紙鶴三業三毒雲去
來六根六塵月綽約此珠價大實難酬不許巧

雖妄穿鑿若要秘密大總持寂滅之中閑摸索
幾多衲子聽蟄雷幾個道人藏尺蠖茫茫盡向
珠外求不識先天那一着那一着何須重註脚
杜宇聲隨曉雨啼海棠夜聽東風落

烏兔乾坤鼎龜蛇復姤壇世間無事客心內大
還丹白虎水中吼青龍火裏蟠汞鉛泥蕊艷金
木雪花寒離坎非心腎東西不肺肝三旬窮七
列仙傳卷四

圭

返九轉出泥丸

司馬真人

夫欲修真先除邪行外事都絕無以于心然後
自觀正覺覺一念起卽須除滅隨起隨滅務令
安靜雖非的有貪着浮游亂想亦盡滅除晝夜
勤行須臾不替唯滅動心不滅照心但冥虛心
不冥有心不依一法而心常住此法玄妙利益

甚深

常默元氣不傷少思慧燭內光不怒百神和暢
不惱心地清涼不求無諂無驕不執可圓可方
不貪便是富貴不苟何懼君王味絕靈泉自降
氣定眞息自長觸則形斃神游想則夢離屍僵
氣漏形歸后土念漏神趨死鄉心死方得神活
魄滅然後魂強轉物難窮妙理應化不離眞常

列仙傳

卷四

十六

孫眞人

天地之間人爲貴頭象天兮足象地父母遺體
能寶之洪範九疇壽爲最衛生切要知三戒大
怒大慾併大醉三者若還有一焉須防損失眞
元氣

欲求長生須戒性火不出分心自定本還去火
不成灰人能戒性還延命貪慾無窮忘却精用
心不已失元神勞形散盡中和氣更仗何因保
此身

怒甚偏傷氣思多太損神神疲心易役氣弱病
相縈勿使悲歡極常令酒食均再三防夜醉第
一戒晨噴玄寢鳴雲鼓寅晨嗽玉津妖邪難犯
已精氣自全真若要無諸病常常節五辛安神
宜悅樂惜氣保和純壽夭休論命修持本在人
君能尊此理平地可朝真

文逸曹仙姑

神是性兮性是命神不外馳氣自定本來二物
互相親失却將何爲本柄

重陽祖師

棄了惺惺學得癡到無爲處無不爲眼前世事
只如此耳畔風雷迴不知兩脚任從行處去一
靈常與氣相隨有時四大薰薰醉借問青天我
是誰

理性如調琴緊則有斷慢則不應緊慢得中則
琴和矣又如鑄劍鋼則折錫多則卷鋼錫得中
則劍成矣

列仙傳

卷四

六

欲界色界無色界此三界也心忘念慮卽超欲
界心忘緣境卽超色界心不着空卽超無色界
離此三界神居仙聖之鄉性在清虛之境矣

李靖菴

心歸虛寂身入無爲動靜兩忘內外合一到這
裡精自然化氣氣自然化神神自然還虛

無心真人

心田清靜性地和平端念正身不離當處神歸
氣復性定精凝魂魄混融陰陽交媾丹田有寶
對鏡無心一氣歸根萬神朝祖沉沉默默捧捧
存存兀兀騰騰綿綿相續方是修行底活計辦
道底家風

石杏林

萬物生皆必元神死復生以神足氣內丹道自

列仙傳

卷四

九

然成

心天無點翳性地絕塵飛夜靜月明處一聲春

鳥啼

施肩吾

氣本延年藥心爲使氣神能知行氣主便可作

真人

張紫陽

舍眼光凝耳韻調鼻息絨舌氣是謂和合四象
眼不視而魂在肝耳不聽而精在腎舌不聲而
神在心鼻不香而魄在肺四肢不動而意在脾
是謂五氣朝元精化爲氣氣化爲神神化爲虛
是謂三化聚頂

虛無生白雪寂靜發黃芽玉爐火溫溫鼎上飛
紫霞

列仙傳

卷四

三

華池蓮花開神水金波淨夜深月正明天地一
輪鏡

龍從東海來虎向西山起兩獸戰一場化作天
地髓

大道元來一無若能守一我神居此心瑩若
潭心月不滯絲毫真自如

水火從來一處居看時覺有覓時無細心調燮

文兼武片餉教君結玉酥

心者神之舍目者神之牖目之所至心亦至焉
故內煉之法以目視鼻以鼻對臍啼心火入于
氣海功夫只在片餉而已

海上道人

但向起時作還干作處收蛟龍莫放睡雷雨直
須休要會無窮火常觀未盡油夜深人散後唯

列仙傳

卷四

三

有一燈閣

朱紫陽

靜極而噓如春沼魚動極而吸如百蟲蟄春魚
得氣而動其動極微寒蟲含氣而蟄其蟄無朕
調息者須似之綿綿密密幽幽微微呼則百骸
萬竅氣隨以出吸則百骸萬竅氣隨以入調之
不廢真氣從生藥物之老嫩浮沉火候之文武

進退皆于真氣中求之嗚呼盡矣

譚景昇

悲則兩淚辛則兩涕憤則結癭怒則結疽心之所欲氣之所屬無所不育邪苟爲此正必爲彼是以大人節悲辛誠憤怒得灝氣之門所以收其根知元神之囊所以韜其光若蚌內守若石內藏所以爲珠玉之房

列仙傳

卷四

三

忘形以養氣忘氣以養神忘神以養虛只此忘之一字便是無物境界六祖云本來無一物何處惹塵埃其謂是歟

魏伯陽

耳乃精竅目乃神竅口乃氣竅若耳逐于聲便精從聲耗而不固目蕩于色便神從色散而不凝口多言語便氣從言走而不聚安得打成一

片以爲丹塞修行之人若不于此三寶關鍵收拾向裏無有是處

今人精從下流烝從上散水火相背不得凝結皆是此心使然心苟愛念不生此精必不下流心苟忿念不生此烝必不上炎一念不生萬慮澄徹則水火自然交媾矣

陳虛白

列仙傳卷四

三

混沌生前混沌圓個中消息不容傳擘開竅內竅中竅踏破天中天外天斗柄逆旋方有象台光返照始成仙一朝撈得潭心月覷破胡僧面壁禪

夫神與氣精三品上藥煉精成氣煉氣化神煉神合道此七返九還之妙藥也然產藥有州源採藥有時節制藥有法度八藥有造化煉藥有

火功西南有鄉土名黃庭恍惚有物杳冥有精
分明一味水中金但向華池仔細尋此產藥之
川源也垂簾塞兌窒慾調息離形去智幾于坐
忘勸君終日默如愚煉成一顆如意珠此採藥
之時節也天地之先無根靈草一意製度產成
至寶大道不離方寸地功夫細密要行持此製
藥之法度也心中無心念中無念注意規中一

列仙傳

卷四

十四

炁還祖息息綿綿無間斷行行坐坐轉分明此
入藥之造化也清淨藥材密意爲先十二時中
炁煉火煎金鼎常教湯用煖玉爐不使火少寒
此煉藥之火功也

採時爲之藥藥中有火焉煉時爲之火火中有
藥焉能知藥而收火則定裏自丹成古詩云藥
物陽內陰火候陰內陽會得陰陽理火藥一處

詳此其義也必以神馭氣以氣定息呼吸出入
任其自然專炁致柔含光默默行住坐臥綿綿
若存如婦人之懷孕如小龍之養珠漸採漸煉
漸凝漸結工夫純粹打成一片動靜之間更宜
消息念不可起起則火炎意不可散散則火冷
但使操舍得中神炁相抱斯謂之火種相續丹
鼎相溫煉之一刻一刻之周天也煉之一日一
期聖人傳藥不傳火之旨盡于此矣

丘長春

青天莫起浮雲障雲起青天遮萬象萬象森羅
鎮百邪光明不顯邪魔旺我初開廓天地清萬
戶千門歌太平有時一片黑雲起九竅百骸俱
不宣是以長教慧風烈三界十方飄蕩徹雲散

虛空體自真自然現出家月月下方堪把笛
吹一聲響亮振華夷驚起東方玉童子倒騎白
馬如星馳縱橫自在無拘束心不貪榮身不辱
閑唱壺中白雪歌靜調世外陽春曲我家此曲
皆自然管無孔兮琴無絃得來驚覺浮生夢晝
夜清音滿洞天

烝無升降息定謂之真鉛念無生滅神凝謂之

列仙傳

卷四

三

真永息有一毫之不定形非我有散而歸陰非
真鉛也念有一毫之不澄神不純陽散入鬼趣
非真永也

翠玄真人

煉氣徒施力存神枉用功豈知丹訣妙鎮曰翫
眞空

玉液滋神室金胎結氣 只尋身內藥不用檢

丹書

火棗元無核交梨豈有查終朝行火候神水灌金花

神氣歸根處身心復命時這般真孔竅料得少人知

萬籟風初起千山月正圓急須行正令便可運周天

列仙傳

卷四

毛

雲散海棠月春深楊柳風阿誰知此意舉目問虛空

紫霞山人

舟郎筌啼道卽魚忘筌得道證空虛莫堅守抱無爲一撲碎虛空一也無妙有靈光常赫赫含含法界自如如隨緣應感常清淨九載金剛不壞軀

抱一子

耳不聽則坎水內澄目不視則離火內營口不言則兌金不鳴三者既閉則真人遊戲于其中

陳泥丸

修仙有三等煉丹有三成上品丹法以身爲鉛以心爲汞以定爲水以慧爲火在片餉之間可以凝結成胎中品丹法以氣爲鉛以神爲汞以午爲火以子爲水在百日之間可以混合成象下品丹法以精爲鉛以血爲汞以腎爲水以心爲火在一年之間可以融結成功

李道純

真鉛真汞大丹頭採取當平固強求有作有爲終有累無求無執便無憂常清常淨心珠現忘物忘機命實周動靜兩途無窒碍不離常處是

列仙傳

卷四

五

羸洲

三元大藥意心身著意心身便係塵調息要調
眞息息煉神須煉不神神頓忘物我三花聚猛
棄機緣五氣臻八達四通無罣碍隨時隨處聞
全眞

性天大察長根塵理路多通增業識聰明智惠
不如愚雄辯高譚爭似嘿絕慮忘機無是非隱

列仙傳

卷四

无

耀含華遠聲色一念融通萬慮澄三心剔透諸
緣息諦觀三教聖人書息之一字最簡直能于
息上做工夫爲佛爲仙不勞力息緣返照禪之
機息心明理儒之極息氣凝神道之立三息相
須無不克

天來子

欲撈北海波心月先縛南山嶺上雲若也有人

知此意便堪飛鳥見元君

半輪月照西江上一箇鳥飛北海頭月落鳥飛
尋不見廣寒宮內倒騎牛

立北之門鎮日開中間一竅混靈臺無關無鎖
無人守日月東西自往來

採藥要明天上月修行須識水中金月無庚氣
金無水縱有真鉛枉用心

列仙傳卷四

三十

無夢子

身爲車兮心爲軾車動軾隨無計息交梨火棗
是誰無自是不除荆與棘

身爲客兮心爲主主人平和客安處若還主客
不安寧精神管是辭君去

龍眉子

溟滓無光太極先風輪激動產真鉛都因靜極

還生動便自無涯作有邊一氣本從虛裏兆兩
儀須信定中旋生生化化無窮盡幻作壺中一
洞天

紫虛了真子

乾坤橐籥鼓有數離坎刀圭採有時鉛龍升兮
汞虎降龜蛇上下兩相持天上曰頭地下轉海
底蟬娟天上飛乾坤日月本不運皆因斗柄轉

列仙傳

卷四

三

其機人心若與天心合顛倒陰陽只片時虎龍
戰罷三田靜拾取玄珠種在泥黃婆媒合八中
宮嬰兒姤女相追隨年中用日日用時刻裏工
夫妙更奇暗合斗牛共歡會天機深遠少人知

瑩蟾子

抱元守一通玄竅惟精惟一明聖教太玄真一
復命關是知一乃真常道休言得一萬事畢得

一持一保勿失一徹萬融天理明萬法歸一非
奇特始者一無生萬有無有相資可長久誠能
萬有歸一無方會面南觀北斗至此得一復忘
一可與造化同出歿設若執一不能忘大似癡
貓守空窟三五混一二返虛返虛之後虛亦無
無無既無湛然寂西天鬚子沒髭鬚今人以無
喚作茫然蕩頑空涉畏途今人以一喚作一偏

列仙傳卷四

三

枯苦執空費力不無之無若能會便于守一知
無一一無兩字盡掀翻無一先生大事畢

日用總立立時人識未全常推心上好放却曰
頭禪法法非空法傳傳是妄傳不曾修福始焉
得有禍先不益便無損不變豈能遷莫看嗔和
喜何愁速與遲不作善因果那得惡姻緣打開
人我網跳出是非圈休思今世後放下未生前

既無塵俗累何憂業火煎有無俱不立虛實任
相連來去渾忘却生死何預焉饑來一椀飯渴
則半甌泉興來自消遣困去且打眠達者明此
義休尋天外天見前赤灑灑末後亮娟娟

導引法

閉目冥心坐握固靜思神叩齒三十六兩手抱
崑崙左右鳴天鼓二十四度聞微擺撼天柱赤
列仙傳卷四

三

龍攪水津漱津三十六神水滿口勻一口分三
嚥龍行虎自奔閉氣搓手熱背摩後精門盡此
一口氣想火燒臍輪左右轆轤轉兩腳放舒伸
叉手雙虛托低頭扳足頻以候逆水上再嗽再
吞津如此三度畢神水九次吞嚥下汨汨響音
脉自調勻河車搬運訖發火遍燒身邪魔不敢
近夢寐不能昏寒暑不能入灾病不能速子午

午前作造化合乾坤連環次第轉還返是良因

終

光緒丁亥年東吳席氏埽葉山房校刊

列仙傳卷四

三

